

Kayëta ixinëm ir Bëtesalonik in Lilaya in

Akayëta aŋo ro Pol yëgwën babi bëte okëreceŋ od gër Amara and Tesalonik ok. Ebi pënixën ŝenene end omakaw ond Yesu Kërisët eŋ. Okëreceŋ odëmar na gër Tesalonik, abani riyenind na gayik gogo ko bakaw Yesu Kërisët. Ebi wërëŝëtaxën, Pol yëgwën këbi mëne ðamana exo bakaxënëgu Yesu Kërisët, beŋo kë xuca pere gër ngwën: eyepan ed ekwëta ed Kaxanu el; gë cale ind enëgwëŝ in; gë eñëmbër ed betëmbak el; gë ecanayaw ed Arangoyëra and Kërisët el. Do gayikako beŋo ax gi bana pere, okëreceŋ ok aŋap yap bax eni bayi ga këni riyenind këdi këno sëkwëran ala aŝëxe edëba edebën el.

Er ex gër akayëta in:

End ekemëna ed gër andiyen and Kaxanu eŋ:
1.1-12.

End eyepan ed Atëfëtan and Yesu Kërisët eŋ:
2.1-12.

End ekwëtaya ed Atëfëtan do gë cale eŋ: 2.13-
3.5.

End bërëwëk bëxwëlaraxik eŋ: 3.6-15.

Ofelar ol: 3.16-18.

Ecëmar el

¹ Wëno Pol, gë Silas, do gë Timote këŋun yëgwënëlin. Aŝëma këmun ŝëmand wën bër gër Amara and Bëtesalonik bën, amara and

xwën këni Kaxanu Faba irebi do gë Axwën Yesu Kërisët aŋ.

² Awa Kaxanu, Faba irebi do gë Axwën Yesu Kërisët, yëlëlenun oyekax ol do gë obetak ol.

End yatir kiti eŋ

³ Bëmaÿe, cëkwayindëlemo din Kaxanu endewën eŋ. Mondako ÿapëk gayikako ekwëta ed xwëta këno wën el do gë ebalër ed këŋun balërënd el anëka dëŋ kë rafënd.

⁴ Biyi cëŋ gë onënga fo këmi reyarand endewën eŋ gër bamara band Kaxanu gayik wën and mokemëna xemëna kën gër ekwëta. Bëte abuŋa buŋa kën ado ga rixëra kënun, do soro kën mbaŋ.

⁵ Toro ind kën sorond iŋo këbo wăsinënd mëne Kaxanu ŝenene ko xitind, do mëne wën bër ÿap këbi en gi gër owun or Kaxanu hi kën. Ata në end owun olo kën soroxënënd.

⁶ Enimin Kaxanu end ŝenene ko ri, aŵaŝën këbi wăŝën toro iŋ bër këŋun sorënënd gërëgako bën.

⁷ Bëte ŝenene fo ko ri ga racët racët këŋun gër toro ene teyëtaxëne wën gë biyi yatir këni ŝanayaw elod gër orën gë panga iŋ, Axwën Yesu do gë omeleka odexëm ok.

⁸ Er këni ŝanayaw gë angodux atëm enëbi nëpaxën bër aŋo nang ex Kaxanu bën, do gë bër ñëpëk eni ma end Atëfëtan and Yesu, Axwën arebi bën.

⁹ Ata kiti ind ÿap këbi iŋ dëŋ këbi ñatënegu: laŋ këbi ÿana efi bëlandërand, do eno nacëta din ir din Axwën an, mëŋ ar gë panga ind gë enjaran an.

¹⁰ Eņo kē hi yatir ko bakaw. Ata ašēkw kēno ŷana eno cēkwēnd bēwēnēk bērexēm bēn, đek bēr wāk endexēm bēn ayas kēno ŷana eņo yasēnd. Ahixeli kēn hixelid ga wā kēn ako end Kērisēt eņ and wēl kēn osede orebi aņ.

¹¹ Mēņ ex, biyi din kēmun šalenēnd. Axara kēmo xarand Kaxanu, mēņ ar xwēn kēbo an, eņun dēca eni gi bela bēr ŷap kēbi aniyān and wāceli kēņun aņ. Axara kēmo xarand bēte eņun dēca gē panga indexēm iņ en koraxēnēnd en di oyekax or ex yo, do andiyen and gē ekwēta and ex yo.

¹² Ata bela bēn nē endewēn kēni šēkwaxēn oŵac or Yesu, Axwēn arebi ol, do enun pēb wēn bēte nē endexēm. Mondako kē hi beņo đek nē end oyekax or Kaxanu do gē Axwēn Yesu Kērisēt.

2

End emēš epelatar eņ

¹ Axara xara kēmun bēmaŷe, end yatir ko bakaw Axwēn Yesu Kērisēt eņ do ang kēne barēre ler gēr ndexēm ak kēmun xarand,

² kēreņun yebud na aŷand gēr onden on-dewēn. Ado enun pelēnd mēne akey and ko bakaw Axwēn Yesu aņ anēka ħatēguk ba enun pelēnd mēne Kaxanu rek, eņo kēreņun tesēnēd na. Bēte ado enun mēlanēli kayēta do eni dend mēne biyi ŷēgwēnēli kēņun, eņo kēreņun tesēnēd na.

³ Ala kēreņun yifad na gē tēkērak. Gayikwa afo ex gi pere bēki beņo: eņanar eņ, bela bēn eno mēšendēra xali Kaxanu; ekinēm eņ, exo canayaw Aŷēņēnax an, ar fab kēņo enemi an.

⁴ Awañëreli ar Kaxanu an exo do ayepën ko yepënënd ðek er këni xëland bela in. Mëñ ex ar kë yëxw exo ñëpa gër lëngwe gër Aciw and Kaxanu do exo dend Kaxanu hi ko an.

⁵ Kwitayin mëne afël bamun felënd eño and yeli bame gër ndewën añ.

⁶ Wën aye nang kën er wedi këño gërëgako in, barikan ašanaya ko šanaya and kë fiat akey andexëm añ.

⁷ Awa anëka ÿanak kë šanayand eñëñënax end šonaya bax eñ. Barikan afo exo dëxëta pere ar këño wedind gërëgako an, ex canayaxën kerët.

⁸ Amëd año fo ko šanayaw Aÿëñënax an, do Axwën Yesu eño ðaw gë onjën ond kë šanënd gër etëÿ edexëm oñ, yatir ko bakaw.

⁹ Er ko šanayaw Aÿëñënax ajo gë panga ind Sindan in ðek, exo dind becarax, bananganëme, do gë bërëcaxik bend ex yo ebi yifaxënënd bela bën.

¹⁰ Gë ðek banjifa band osëmbak bañ këbi ÿana ebi nanjëtënd bër nambërak bën gayik ani kwëtaya ex na gër owëkw añana and ðal and fexën dofi añ.

¹¹ Mëñ ex, Kaxanu këbi lawëneliw panga ind kë nambelind in eni kwëtaxënënd enëgwëš eñ.

¹² Ata në eño këbi nëpaxën Kaxanu ðek bër hëpëk eni kwëta ðal bën, do bër këbi nënganënd edi ed betëmbak bën.

End apexa eñ

¹³ Biyi cëñ, end wën bëmaÿe bënd fian këñun Axwën bëño, aÿap ÿapëk mo cëkwand din Kaxanu. Gayikwa Kaxanu sana këñun en gi

bëŷanar gër apexa, gër owënëk or ko yëlënd Angoc Amënëk ol, do gër ekwëta ed ðal.

¹⁴ En gixën mondako wãc këŷun gë Atëfëtan and nangën këmun aŷ, en cotaxën bëte enjara end Yesu Kërisët, Axwën arebi eŷ.

¹⁵ Awa bëmaŷe, ðëkayayin aye do tëfindën laŷ bend sëyali këmun hik gë etëŷ el, hik gë kayita ir ŷëgwënëli këmun in.

¹⁶ Yesu Kërisët, Axwën Arebi an dëŷ, do gë Kaxanu Faba irebi, mëŷ ar ðan këbo an, mëŷ ar yël këbo në end oyekax orexëm ene cot ex eyar ejekax do gë ekapina ed din ir din an, yëlëlenun,

¹⁷ ojaŷ ok en kemaxën gër owëkw gër edi ed enjekax end ex yo do en yeyanaxënd enjekax end ex yo!

3

End cale eŷ

¹ Bëmaŷe, end këme xor me de me ŷataxën eŷ ex, calenindënëbo biyi ex wëlixën nëmëc eyeyan ed Axwën ed këmi femërand el, do eni cëkwaxënënd bela bën ang gër ndewën ak.

² Karayindëno bëte Kaxanu ebo dacët gër otaxan od bela bëxeŷax do bëŷëŷëŷax, gayikwa ax gi ex na ðek fo ŷot këni ekwëta el.

³ Axwën an cëŷ mokwëta hi ko. Axemën këŷun xemën do axaxa këŷun xaxa eŷun beŷaxën Aŷëŷëŷax an.

⁴ Ga bar këmi gë Axwën an fëniŷën këbo mëne wën në edi en, do ari kën ri bëte er këmun felënd in.

⁵ Axwën an wërêsetëlexo oŵëkw orewën oŋ gand aŋana and Kaxanu do gër ebuŋa ed ko yëlënd.

End andiyen eŋ

⁶ Ga re këmi bëmaÿe, gër oŵac or Axwën Yesu Kërisët, nacëtayino imaÿe indewën ikwëlaraxik iŋ xarak ax gi ex na ang sëyali këmun biyi ak.

⁷ Wën dëŋ anang nang kën ang ÿapëk enëbo tëfëtêlind ak gayik ami kwënda bana oxwëlar and hi bami gër ndewën aŋ.

⁸ Ciš wec bami riyenind këdi ko soro ala edëba edebi el xarak ami tëw̄ ex na gë andebi dëŋ mi yambëraxën.

⁹ Biyi dëŋ ÿandi babo mi dïyand mondako enëbo tëfëtêlixënënd xarak enimin aÿap ÿapëk enëbo dëband.

¹⁰ Enimin, and hi bami gër ndewën aŋ, afel bamun felënd: «Angëmëne ala eŋo key andiyen aŋ, awa kërexo yambërand na.»

¹¹ Xarak anangati nangati këmi mëne na gër ndewën bërëmar bëxwëlaraxik exëni, ÿoweÿ ani dind na ang ax gi ex na edïlaya ed gër bend abi pab ex na el.

¹² Ata bëjo këmëni rend de, gër oŵac or Axwën Yesu Kërisët, xara këmëni: diyenindëlexëni ang ÿapëk ak eni cotaxën eyamb ed sëw̄ këni gë andebën dëŋ el.

¹³ Wën cëŋ bëmaÿe, këren tëkwëra na edi ed ang ÿapëk el.

¹⁴ Do angëmëne ala exëna ar hëpëk er ÿëgw këmi gër kayëta ijo ro an, tisino aye, do këreno barad na eŋo cëfënanaxën.

15 Pelërayino ang imaÿe indewën fo, ßari këreno nacëta na ang arangoÿëra andewën fo.

Ofelar ol

16 Axwën an, mëñ ar gë obetak an, yëlëlenun mëñ dëñ obetak ol, nand ex yo, do ang ex yo! Awa Axwën an gilexo gë wën ðek.

17 Ofelar ol cëñ, wëno Pol ÿëgwëlik gë ataxan andam añ dëñ. Mondako këme ñatand ðek okayëta ßand këme ÿëgwënd ßañ.

18 Yesu Kërisët, Axwën arebi an, yëlëlenun wën ðek oyekax ol!

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: Oniyan

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 29 Apr 2025 from source
files dated 29 Apr 2025

8b7902f3-5e35-5b89-86b2-c6da1be458b9